

Univerzitet u Sarajevu
Farmaceutski fakultet

Na osnovu čl.96 stav 3. Zakona o visokom obrazovanju Kantona Sarajevo („Sl.Novine KS“, br:42/13 i 13/15), čl.162. stav 1. Statuta Univerziteta u Sarajevu, Odluke Senata br.01-3578/17 od 24.05.2017.godine, br: 01-5060/17 od 19.07.2017.godine i br. 01-4507/17 od 27.06.2017.godine i odluke Nastavno-naučnog vijeća Farmaceutskog fakulteta Univerziteta u Sarajevu br. 0101-1347/17.godine od 12.05.2017.godine, br. 0101-2022/17.godine od 07.07.2017.godine i br. 0101-1716-1/17.godine od 09.06.2017.godine, Farmaceutski fakultet u Sarajevu dana **25.08.2017.godine** objavljuje

K O N K U R S

za izbor akademskog osoblja na Farmaceutskom fakultetu Univerziteta u Sarajevu

Raspisuje se konkurs za izbor :

1. Nastavnik u sva zvanja na nastavnim predmetima „**Organska hemija I**“ i „**Organska hemija II**“ -1 izvršilac, puno radno vrijeme
2. Nastavnik u sva zvanja na nastavnom predmetu „**Patološka fiziologija**“ -1 izvršilac, nepuno radno vrijeme
3. Nastavnik u sva zvanja na nastavnom predmetu „**Klinička farmacija**“ -1 izvršilac, puno radno vrijeme
4. Nastavnika u sva zvanja na nastavnim predmetima „**Oblikovanje lijekova I**“ i „**Oblikovanje lijekova II**“ – 1 izvršilac, puno radno vrijeme
5. Asistent na nastavnim predmetima „**Farmakognozija i hemija droga I**“ i „**Farmakognozija i hemija droga II**“-1 izvršilac, puno radno vrijeme

U skladu s članom 89. Zakona o visokom obrazovanju Kantona Sarajevo i člana 156. Statuta Univerziteta u Sarajevu uslovi za izbor u zvanje:

- a) asistent: odgovarajući univerzitetski stepen sa najmanje 240 ECTS bodova i najnižom prosječnom ocjenom 8 ili 3,5;
- b) docent: naučni stepen doktora u datoj oblasti, najmanje tri naučna rada objavljena u priznatim publikacijama, pokazane nastavničke sposobnosti;
- c) vanredni profesor: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama, objavljena knjiga i originalni stručni uspjeh kao što je projekt, patent ili originalni metod, sve nakon izbora u zvanje docenta te mentorstvo najmanje jednog kandidata za stepen drugog ciklusa studija;
- d) redovni profesor: proveden najmanje jedan izborni period u zvanju vanrednog profesora, najmanje dvije objavljene knjige, najmanje osam naučnih radova objavljenih u priznatim publikacijama, sve nakon sticanja zvanja vanrednog profesora te mentorstvo najmanje po jednog kandidata za stepen drugog i trećeg ciklusa studija.

Za poziciju 1. uslov je naučni stepen doktora hemijskih nauka, za poziciju 2. uslov je naučni stepen doktora medicinskih nauka, za poziciju 3. i 4. uslov je naučni stepen doktora farmaceutskih nauka, za poziciju 5. uslov je VSS – Farmaceutski fakultet.

Kandidati su uz prijavu dužni dostaviti:

- a) biografiju (CV) i spisak objavljenih naučnih/umjetničkih radova, programe javno predstavljenih projekata, patenata ili originalnih metoda iz oblasti za koju se vrši izbor
- b) diplomu i drugu dokumentaciju o stečenom zvanju (ovjerena kopija)
- c) uvjerenje o državljanstvu (original ili ovjerenu kopiju)
- d) listu objavljenih knjiga, udžbenika i naučnih radova, kao i same radove (ukoliko iste posjeduje)
- e) podatke o nagradama i priznanjima u vezi sa odgovarajućom naučnom oblasti (ukoliko iste posjeduje)
- f) dokaz o uspješno obavljenom mentorstvu kod izbora u odgovarajuće akademsko zvanje

(Dokaz o tri naučna rada kao ekvivalent za opravdano izostalo mentorstvo u slučajevima opravdanim u članu 158.stav 3. Statuta Univerziteta u Sarajevu)- za izbor u zvanje vanrednog i redovnog profesora.

Konkurs je otvoren **petnaest (15) dana** od dana objavljivanja.

Kandidati su dužni u svojoj prijavi naznačiti poziciju i zvanje za koje se prijavljuju.

Prijave sa potpunom dokumentacijom se dostavljaju na adresu Farmaceutskog fakulteta u Sarajevu, ul. Zmaja od Bosne broj 8 putem pošte ili direktno na Protokol Fakulteta.

Nepotpune i neblagovremene prijave se neće uzeti u razmatranje.